

VENDIM
Nr.591, datë 5.9.2007

**PËR PËRCAKTIMIN E PERSONALITETEVE TË TJERA TË LARTA SHTETËRORE
TË VENDIT, QË DO TË RUHEN DHE MBROHEN NGA GARDA E REPUBLIKËS SË
SHQIPËRISË**

(Ndryshuar me VKM nr. 571, datë 22.7.2020)

(I përditësuar)

Në mbështetje të nenit 100 të Kushtetutës dhe të shkronjës “c” të nenit 4 të ligjit nr.8869, datë 22.5.2003 “Për Gardën e Republikës së Shqipërisë”, të ndryshuar, me propozimin e Ministrit të Brendshëm, Këshilli i Ministrave

VENDOSI:

1. Garda e Republikës së Shqipërisë do të ruajë dhe mbrojë edhe këto personalitete të larta shtetërore të vendit:

- a) Prokurorin e Përgjithshëm dhe Ministrin e Brendshëm, me eskortë;
- b) Zëvendëskryeministrin, Kryetarin e Gjykatës Kushtetuese, Kryetarin e Gjykatës së Lartë, Kryetarin e Kontrollin të Lartë të Shtetit, Drejtorin e Shërbimit Informativ të Shtetit dhe kryetarin e maxhorancës parlamentare, me shoqërim, me oficer e nënoficer, shoqërues;
- c) Zëvendëskryetarët e Kuvendit, me nënoficer shoqërues;
- ç) Anëtarët e Këshillit të Ministrave, për të cilët nuk janë parashikuar masa ruajtjeje e mbrojtjeje në shkronjën “a” të pikës 1 të këtij vendimi, dhe guvernatorin e Bankës së Shqipërisë, me shofer shoqërues;
- d) Kryetarin e bashkisë së Tiranës, me oficer shoqërues;
- dh) Kryetarin e partisë më të madhe të maxhorancës parlamentare, me shoqërim, me oficer e nënoficer shoqërues;
- e) Kryetarin e partisë më të madhe të opozitës parlamentare, me oficer shoqërues.
- ë) Kryenegociatorin për zhvillimin e negociatave të aderimit të Republikës së Shqipërisë në Bashkimin Evropian, me truporjë-shofer, gjithsej 2 nënoficerë.

2. Vendimet nr.310, datë 14.5.2004, dhe nr.93, datë 11.2.2005 të Këshillit të Ministrave, shfuqizohen.

3. Ngarkohen Ministri i Brendshëm dhe komandanti i Gardës së Republikës për zbatimin e këtij vendimi.

Ky vendim hyn në fuqi menjëherë.

KRYEMINISTRI
Sali Berisha